

Jān Būreejtōn Dieter F. Uchtdorf

Rikakpilōklōk eo Kein Karuo
ilo Būreejtōnji eo Kein Kajuon



Kobrak Laḷ in kōn lakwe an Kraist

Ne jej ḷōmḡak kōn Kūrijmōj, ekkā ad ḷōmḡak kōn leḷok im bōk menin letok ko. Menin leḷok ko remaroñ mōttan imminene eo aorōk, ak remaroñ barāinwōt kōmḡad kōj jān men eo eorōk im eḷamwaan an iien in im kōmḡad kōj jān ad keememe ḷotak eo an Rilō-mḡor eo ad ilo juon wāween ewōr tokjān.

Ijeḷā jān aō imminene bwe Kūrijmōj ko ban meḷokḷōki remaroñ erom ko me relukkuun ettā. Menin letok ko iaar būki āinwōt juon kar ajri rekar ejjeḷok kilaer kōnke ejjeḷok mḡweiūk ko ak mḡweie ko jān joḡak ko rainin. Jet iien iaar bōk juon jōōt keke ak juon bea in kūḷop ak takin. Ij keememej juon Kūrijmōj eorōk ke būratōr eo aō eaar letok ḡan ḡa juon bakkōk alal eaar ḷōmwe.

Ej jab bōk menin letok ko eḷap wōḡāer ḡan kōmḡan bwe Kūrijmōj en ḷap tokjān. Ij keememej juon bwebwenato jān Elder Glen L. Rudd, eo eaar jermal āinwōt juon jiljilimjuonḡoul jān 1987 ḡan 1992. Juon raan mḡokta jān Kūrijmōj elōñ iiō ko remōotḷok, ke eaar bōk eddo in imōn kakkōḡkoḡ eo an bisop, eaar roñ jān juon ritōl an kabuñ kōn juon baamḷe eo eaikuj, eo ej kab emḡakūttoḡ ḡan bukwōn eo. Ke eaar etal im loḷok imōn jokwe jidikdik eo aer, eaar loe juon mḡama eo ejjeḷok pāleen ewōr emān nejin ajri ro reddik jān 10 aer iiō.

Aikuj ko an baamḷe eo reḷḷap joḡan jineer eaar jab maroñ kar wia menin kamōḡōḡō ak menin leḷok ḡan ajri ro nejin Kūrijmōj eo—eaar barāinwōt jabwe jān ḡan an wia wōjke. Būratōr Rudd eaar kōnono ippān baamḷe in im kar katak bwe leddik ro jilu reddik rekōḡaan juon toḷe ak juon

kein ikkure menin mour. Ke eaar kajitōk ippān ḷaddik eo jijino an iiō ta eo ekōḡaan, ḷaddik eo edik im eaar kwōle ekar uwaak, “Ikōḡaan juon booḷ in oatmeal.”

Būratōr Rudd eaar kalimḡuri ḷaddik jidikdik eo oatmeal im bōlen bar jet men ko. Innām eaar etal ḡan imōn kakkōḡkoḡ eo an bisop ro im ain mōḡā ko im aikuj ko jet ḡan kakke aikuj ko remenin aikuj an baamḷe eo.

Jibboñ eo juon, juon Armej Ekwojarjar ilo Raan-ko Āliktata eo ejouj eaar leḷok ḡan e 50 taḷa “ḡan juon armej eaar aikuj.” Kōjermal jipaḡ eo, Būratōr Rudd eaar kōkkōḡak an ajri ro nejin make jilḡij im raar etal im kaikujkuj ḡan Kūrijmōj—ajri ro nejin raar kōkkāleel kein ikkure ko ḡan ajri ro raikuj.

Ālkin aer kar kanne kaar eo kōn mōḡā, nuknuk, menin leḷok ko, juon wōjke, im jet kainōknōk ḡan wōjke eo, Rudd ro raar kattōrḷok ḡan imōn jokwe eo an baamḷe eo. Ijo raar jipaḡ jinen baamḷe eo im ajri ro nejin kajutak wōjke eo. Innām raar illik menin leḷok ko iumḡwin im leḷok ḡan ḷaddik eo juon pakij ekillep kōn oatmeal.

Jinen baamḷe eo eaar jaḡ, ajri ro raar laḡlōñ, im er aolep raar al juon al in Kūrijmōj. Boḡōn eo ke baamḷe eo an Rudd raar kobatok ḡan kōjota, raar leḷok kamḡoolol ko bwe raar maroñ leḷok jet kamōḡōḡō in Kūrijmōj ḡan bar juon baamḷe im jipaḡ juon ḷaddik edik bōk juon boḷ in oatmeal.¹

Kraist im Jetōb in Leḷok

ḷōmḡak kōn wāween eo elamwaan im aorōk Jemed-wōj Ilaḡ eaar kālet ḡan kautiej ḷotak eo an Nejin mḡan. Ilo

boñon eo, enjel ro raar waļok jab ñan ro remweie ak ñan rilale jup ro. Niñniñ Kraist eaar jab ļotak ilo juon em ekilep im aiboojoj ak ilo juon jikin mōñā an menin mour. Eaar jab lipopo kōn silk ak ilo nuknuk ko rōmāni.

Kūrijmōj eo kein kajuon ejjelok kilaan eaar jinoin kwaļok mour eo an Rilomqor eo. Meñe Eaar kōmanman laļ in, pād ilo jikin kiiñ im kwiin ran im aiboojoj, im jutak ilo tuanbwijmaroñ in Jemān, Eaar itok ñan laļ in ainwōt juon niñniñ ejjelok jipañ ñan e. Mour eo An eaar juon waanjoñak in armej emman wāween an mour, im Eaar etetal ilubwilijin rijeramōl ro, rinañimej ro, armej ro reinepata, im armej ro rej eddo kōn ineapata.

Mekarta Eaar juon kiiñ, Eaar jab kea kōn utiej ko barāinwōt mweie ko an armej. Mour eo An, naan ko An, makūt-kūt ko An aolep raan raar kōkkallein men ko relamwaan im raorok.

Jisōs Kraist, eo eaar lukkuun jelā wāween ñan leļok, kar kwaļok ñan kōj joñak eo ñan leļok. Ñan ro eddo būruweer kōn ajmakeke im būromōj, Ej bōktok tūriamqo im aenōmman. Ñan ro ānbwinier im kōlmenļokjeñ ko aer rej eñtaan kōn nañimej im eñtaan, Ej bōktok iakwe im kōmour. Ñan ro otemej eddo jetōb ko aer kōn jerawiwi, Ej letok kōjatdikdik, jeorļok bōd, im pinmuur.

Eļañne Rilomqor en kar pād ilubwilijid rainin, jenaaj kar loe E ijo Ej aolep iien—kwaļok ñan rūtiriamqo, armej ro reinepata, rūttā, rieñtaan, im riaikuj ilo jetōb. Ilo iien Kūrijmōj in im aolep iien, jemaroñ ke leļok ñan E ilo ad iakwe ainwōt Ej iakwe. Jemaroñ ke keememej aorok eo ettā an ļotak eo An, menin leļok ko, im mour. Im jemaroñ ke, jān makūt-kūt ko reļamwaan an jouj, iakwe emool, im tūriamqo, kobrak laļ in kōn meram in iakwe eo An im kajoor in kōmour eo An.

KAKEEMEMEJ

1. Lale Glen L. Rudd, *Pure Religion: The Story of Church Welfare since 1930* (1995), 352–53; lale barāinwōt Glen L. Rudd, “A Bowl of Oatmeal,” *Church News*, Tij. 2, 2006, 16.

KATAKIN JĀN ENNAAN IN

Būreejtōn Uchtdorf ej katakin bwe jej aikuj ļoor joñak in leļok eo an Rilomqor eo. Ļōmñak im kajjitōk ippān armej ro kwoj loļok ñan bōk aer iien kwaļok etan juon menin leļok Rilomqor eo eaar leļok ñan er, im

kōnono kōn wāween aer maroñ kōjerbale menin leļok eo ñan jermal ñan ro jet. Ñan waanjoñak, ñe juon membōr eaar jeramman kōn katakin kōjañjañ, ļeo ak lio emaroñ etal im al ñan ro jet riturin. Komaroñ kajjitōk ñan bukwelōlō ilo jar ippān ro kwoj loļok, kajjitōk kōn imwe kōn kain menin leļok rot ko ñan kwaļok ippān doon, ewi wāween kwaļoki, im ippān wōn. Bar roļtok ñani kōn jabdewōt imwe kwoj būki.

JODIKDIK RO

Katak jān Eñjake an Ro Jet

Būreejtōn Uchtdorf ej kōnono jān eñjake eo an make bwe ñe ej katakin “Kūrijmōj ko ban meļokļoki remaroñ erom ko me relukkuun ettā.” Jemaroñ katak eļap jān epepen eo erūtto; elōñ rūtto ro raar mour jān iien pata ko, jab jermal, nañimej, ak mālijoñ ko jet. Kajjitōk ippān membōr ro rerūtto jān ward eo ak branch eo am ñan kwaļok kōn Kūrijmōj eo aer eļaptata an aorok. Komaroñ jei bwebwenato ko aer. Kajjeoñ ñan katak jān waanjoñak eo aer ilo am pedped wōt ioon Kūrijmōj in eļapļok kōn lukkuun leļok jipañ im keememej Rilomqor eo.

AJRI RO

Menin Leļok ko jān Jisōs Kraist

Jet armej rej kōjermal juon Kūrijmōj wōjke ñan keememe ļotak eo an Jisōs Kraist. Jet iien armej rej likūt menin leļok ko ñan ro jet iumwin wōjke eo. Ta menin leļok ko Rilomqor eo eaar lewaj ñan eok? Jiñaik wōjke in Kūrijmōj eo am make ippān ļalem menin leļok ko iumwin. Riiti eoon kein ilaļ im kōļare juon menin leļok ñan kajjojo eoon. Komaroñ leļok menin leļok ko ñan bar Jisōs jān kappukōt wāween ko ñan jipañ ro jet.

Sam ko 33:6

Jon 14:27

Jon 15:9

2 Nipai 2:8

3 Nipai 15:9



Mijen eo Ekwojarjar an Jisōs Kraist: Kiiñ in Aenōmman

Jar im katak ennaan in im pukōt nān jelā ta eo nān kwaḷok. Ekōjkan naaj mejele mour eo im mijen eo an Rilomqor eo kōlaplok tōmak eo ami ilo E im kōjeramman ro kwōj mije er kōn naan in katak an kōrā? Nān mejele ko rellaplok, etal nān relief society.lds.org.

Tōmak, Baamle, Deor

Eñin ej juon mōttan an Naan in Katak ko an Kōrā ro ej pijaik wāween ko kōn mijen eo an Rilomqor eo.

"Rilomqor eo ej jipañ eo an aenōmman eo emool," Elder Quentin L. Cook Jen Doulul eo an Joñoulruo Rijilok ro eaar ba. "Meñe apañ ko an mour, kōnke Pinmuur eo an Rilomqor im An tiraimo kake, mour jimwe enaaj kōjolet kōj kōn aenōmman eo an juon make."¹ Mejele bwe Jisōs Kraist ej Kiiñ in Aenōmman emaroñ jipañ kōj loe aenōmman eo ilowa im kōlaplok ad tōmak ilo E.

Jisōs Kraist eaar ba: "Men kein Iar kōnono nān kom, bwe ilo Nā komwin aenōmman. Ilo laḷ komij eñtaan: "Komwin mōñōñō; Nā Iar bōk anjo ioo laḷ" (Jon 16:33). Kwaḷok naan in kamool an mool eo, Linda S. Reeves, Rikakpiloklōk eo Kein Karuo ilo Būreejtōnji eo Eutiejan Doulul eo an Kōrā, eaar ba: "Irooj eaar tūriamqo kōn nā im

Eaar jipañ kōmeraik ban ko aō. Eaar jipañ eō eñjake aenōmman eḷap."²

Elder Richard G. Scott jen Doulul eo an Joñoulruo Rijilok ro eaar katakin: Jikin eo emman me . . . aenōmman ej pād ilowaan kapijuknen ko ad make, ijo jej kōmmane aolep men jemaroñ e nān kōmman bwe Irooj Jisōs Kraist ej ioḷapḷap eo.³

Bar jet eoon ko

Aiseia 9:6; Luk 2:14; Jon 14:27; 1 Nipai 13:37; Doctrine and Covenants 59:23

Jān Jeje ko Rekwojarjar

Aiseia eaar kanaan kōn ḷotak eo an Jisōs Kraist, Kiiñ in Aenōmman (lale Aiseia 9:6). Ilo Amedka, Samuel Ri Leman eo eaar kwaḷok kōn kakōlle in an waḷok ḷotak eo an Kraist ḷalem iiō tokālik (lale Hilañon 14:3, 5). Ke raan in kanaan eo eaar epaaktok, ro raar jab tōmak raar kaamjak aolep Rikūrijin ro eḷaññe kakōlle

kein rej jab waḷok. Rikanaan Nipañ "eaar kanooj kūr nān Irooj aolepān raan eo; im lo, ainikien Irooj eaar itok nān e, im ba: . . . Ilo raan eo ilju Ij itok nān laḷ in" (3 Nipai 1:12–13). Kakkōlle ko raar waḷok, im ippān ḷotak eo an Kraist, "arnej ro raar bar jino bōk aenōmman ilo āneo" (eoon 23).

Ilo Bethlehem, Meri "eaar keotak maanje in nejin maan, im kirboke, im kababu E ilo menjer; bwe ejeḷok jikier ilo imōn ruwamaejet." (Luk 2:7).

KAKEEMEMEJ KO

1. Elder Quentin L. Cook, "Personal Peace: The Reward of Righteousness," *Liahona*, May 2013, 35.
2. Linda K. Reeves, "Claim the Blessings of Your Covenants," *Liahona*, Nov. 2013, 120.
3. Richard G. Scott, "Nān Kōmman bwe en Wōr Aenōmman ilo Kapijuknen," *Liaona*, Māe 2013, 29.

ḷōmñak kōn Menin

Ilo wāween ro Rilomqor eo ej bōktok aenōmman nān mour eo am?